



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gasparis Lechneri E Societate Iesv Theologi. Sodaliv Partheniv. Siue Libri Tres Qvibvs Mores Sodalivm Exemplis Informantvr

Lechner, Kaspar

Dilingæ, 1628

X. Sodales animi robore præstant.

[urn:nbn:de:hbz:466:1-51916](https://nbn-resolving.org/urn:nbn:de:hbz:466:1-51916)

Sed de toto illo genere alij vberibus perscripsere. Hæc pro exemplo sufficiant.

*L. de Pōt.
l. 4. dicitur
spirit.*

CAPVT X.

SODALES ANIMI
robore præstant.

Fortitudo contemptum quendam diuitiarum, honorum & voluptatum, atque firmum propositum inhærendi bono honesto complectitur: tum maximè robur quoddam animi significat in sustinendis periculis audaciaque nimia moderanda. Quam in re etiam generosa Sodalium facinora non defuerunt.

*Vide S.
Th. 2. 2.
q. 123. a.
2. S. S.
Ambros.
l. 3. de off.
c. 36.*

I. Possent hic in medium afferri omnes ij, qui spretis his humanis diuiniorum vitæ degendæ rationem secuti sunt. Sed & longum foret multos percensere, & supra suo loco aliquorum exempla numeravi. Vnum tamen alterumue adijciam, in quo fortis indoles magis eluxit. Ex Sodalibus

*Religio-
nis obsta-
cula for-
titer per-
rumpit.*

CIO. IO libus Neapolitanis anno vno ampli-
 LXXXIII. us quadraginta varia Religioforum
 instituta complexi sunt. In his ado-
 lescens illustri loco natus, præcla-
 ris naturæ donis instructus fuit, cui
 quidem magno stetit Religio. Nam
 cum eius de Religione consilium
 rescisset pater, furore percitus, &
 pugnis eum verberibusque contun-
 dens: *Moriere flagris*, inquit, *præse-*
quam abeas. At ille: *Non mihi tum,*
 inquit, *erit India aut Anglia Mar-*
tyri causa peragranda, si paternis
manibus interficiar. Cum animad-
 nerteret pater, nihil se asperitate pro-
 ficere, ad lacrymas blanditiæque de-
 flexit. Ne hæc quidem firmum ani-
 mum abducere ab instituto potue-
 rant. Reditum ad acerbitatem, re-
 ditum ad minas. Domestica eum cu-
 stodia pater inclusit, vt tanquam
 reum aliquem in proprium oppi-
 dum, quod tridui itinere aberat, vin-
 ctum amandaret. Sensit hoc perspi-
 cax adolescens, & fugam attentè me-
 ditans non sine vitæ discrimine, edito
 de

de loco, confestim defiluit. Inde ad Religiosorum domicilium nullo pallio, nullo in publicum prodeuntis ornatu insequentibus à tergo famulis transuolauit.

II. Nec minus strenuè fortiterque se gessit alius adolescens ex hac eadem virtutis schola profectus, qui postquam patri, se religioni adscribendum esse significauit, nolletque patrijs bonis, quæ sibi hæreditario iure obuentura erant, inconsultis illis Religiosis, quorum se numero adiungere meditabatur, credere, verberibus malè acceptus, ad Religionis ædem brachio semifracto cõfugit. Tum accersito tabellione antistitis permissu nuncium paternis bonis patrique ipsi remisit.

III. Panormi Iureconsultus honestissimo loco natus, magnaque apud omnes auctoritate in Religiosorum cætum adlectus est: Hic cum per patriam necessario iter faceret, mater illius voluntate cognita cum bene magna matronarum caterua
pro-

C 13. 13

LXXXI.

processit atro vestitu, passisque crinibus; & pedibus aduoluta obtestatus est, ne se desertum iret. Sed ut lacrymæ muliebres cito exarescunt, ita vim magnam non habuerunt. Alium mercatorem, ad quem hæreditas quinquaginta millium aureorum deuenisset, parens à patrum Capucinatorum instituto auertere frustra tentauit.

*Ob adit-
tam So-
dalitatē
vexati
generose
vincunt.*

IV. Non minorem commendationem meritus est eadem in vrbe nobilissimus quidam Eques, qui parthenianis adiunctus, æqualium suorum in se odium quoddam prouocauit. Cum igitur eum ad D. Christianæ templum illius feriis venturum cognouissent, aream, vbi maximâ Siciliae totius frequentiam nundinae celebrantur, cum scorto obsidēt, quod ille quondam perditissimè amauerat, ac sese plus quinquies pro eo certissimæ morti obiecerat. Scortum, ut fuerat edoctum, Iuuenem aggreditur, pallioque arrepto, verbis petulantissimis susceptam vitæ rationem

exprobrat, domumque & ad pristinam consuetudinem inuitat. Quid multa? plus semi horâ Iuuenem sic vexauit mulier impudentissima, vt nusquam elabi potuerit. Dynastæ interea alijque Iuuentutis Principes, totusque populus cachinnis concuti, sibilis perstrepare, clamoribus hominem exagitare. Sed ille ea constantia & grauitate mulieris procacitatē à se reiecit, vt duos equites petulantissimos traduxerit ad honestatem, vt statim criminibus expiatis in Sodalitij facellum secesserint, ac sese per semi horam acriter ceciderint; alter etiam mundo nuncium penitus remisit, nescio an fortiozem hunc prædicem, quia sibilos sannaſq; tam cordate pertulit, an quia animum suum à veteri ruina labefactari non siuerit, vtroque certe in genere heroem se ostendit.

V. Pueri virile responsum est. Hic ex Regina Angelorum Sodalitio O. lomucij erecto, per plures Ieiunij magni dies cibario pane contentus vitā

*Ad Ges
tera peccata non
relabi
fortis a-
nimi est.*

*Fortis pueri
responsum.
C. I. D.
I. C. X.*

P

tra-

traducere maluit, quam carnis
vesci. Quam ob causam & tergo
sui periculum adiuit sæpe, & inco
moda non pauca pertulit. Die qu
dam Sabbathi cum ad carnes eden
das vrgeretur, diceretque reluctan
pater stomachabundus: *Itane vero
parentibus obedire docent Iesuitæ?* *Es
enim vero obedio,* inquit; *nam Ec
clesia Mater est.*

CID. ID
xcviii.

VI. Dictum hoc consimilis me
simili constantiæ admonet. Nam
Dilingano Sodalitio domum prof
ctus Adolescentulus appositos in
terdicto die carnes canibus obieci
rat; rogatus causam, *Ista,* inquit, *mi
hi, non cani sunt hodie vetita;* cum
que instarent accubantes, & vel buc
ceam (rem oppido parvam) sumen
hortarentur; *Nec sane,* inquit, *pomi
grande fuit cuius ob esum primi pa
rentes à Paradiso sunt profligati.* Qu
neget Sodalitia esse præstantiora
Philosophorum lyceis, vnde tam
sapientia dicta condiscunt.

VII. T.

VII. Timidi videbitur factum, quod narrabo, si humanis oculis rem quis spectauerit. Sed reuera fortitudinis non leue argumentum habet. Sodalem quendam Sassaritanum in Sardinia quidam in compito adortus ad pugnam prouocauit: excusauit Sodalis, quod ensis suus obtusus foret. *Stringe*, inquit alter: *quid enim gestas? Egone' ut stringam?* inquit ille, *nequeo: nam Sodalitij preses iam dudum gladium meum vagine affixit, ut conuellere non possim.* Egerat videlicet saepe Pater de ira moderanda & temerarijs congressibus declinandis; quod tam alte animo combibit iuuenis, ut nullo iurgio laceffi potuerit. Belluarum est in quasuis pugnas ruerre: fortis robur suum non temere effundit, sed loco suo referuat.

VIII. Aduersos casus excelso animo tolerare, fortium virorum est. Ita Sodalis Dolanus ex agro reuersus cum & domum & quicquid inerat incendio absumi fortuito inuenisset, in genua procidens: *Dominus,*

Ad duellam prouocantur.

CIO.

IOCIIV.

Benorum iactantia ferunt. Eodem

inquit, *dedit, Dominus abstulit, sit
men Domini benedictum.* Qui lo
verba tam citò in promptu habuit
eiusdem robur animo dudum con
cepisse debuit. Eum multi suspen
runt vt *contempta dominum splen
diorem rei.*

*Nec à
morte
abhorret.*
CIC.
1001.

IX. Nec ad mortis minas ita co
horruerunt, vt partheniana indole
indignum aliquid facerent. Neapo
adolescens tanta ira in sodalem ex
arsit, vt cum hominem celebri in lo
co contumelijs omnibus onerasset
stricto etiam mucrone mortem e
minatus sit. Sed ad hæc impavidus
noster; *Mortem, inquit, Dei causa
bentissimo animo excipiam.* Simul
pedes insanientis allapsus iisdem
culum defixit.

CIC.
1001.

X. Memorabile aliud Boholan
Sodalis aduersus veteris superstitionis
reliquias fortiter patrauit. Arbor
erat in suburbio de earum genere
quas Nonoe incolæ nominant, quæ
que eius naturæ sunt, vt si qua adhuc
tenera aliam aliquam arborem con
tin-

tingat, eam vitis in morem arcuè cō-
 plexam ramulis implicet, & totam
 denique exiccet, humoremque to-
 tum in se deriuet. Hęc igitur miræ in-
 ter omnes pulchritudinis ac prodi-
 giosæ præ alijs vastitatis tantum sibi
 concediarat opinionis, vt ipsam olim
 Pyntati inter Numina colerent, & si
 quis ramusculum ex ea decerperet,
 aut terram subiectam aratro viola-
 ret, piaculum vitâ luiturum dicerent.
 Facile quidem stultitia hæc vnâ cum
 cæteris penitus abolita fuisset, ni hæ-
 sisset altius quorundam cordibus in-
 fixus minarum metus. Arborem at-
 tingere audebat nemo, donec Par-
 thenius ille gloriosè de falso Deo tri-
 umphauit, qui excisam admiranti-
 bus spectatoribus arborem igni de-
 dit, agrumque ferro euertit, fixum
 dein eo loco crucis signum, consper-
 sus lustrali aqua fundus vberiores,
 præ quam alijs in locis fructus dedit.

XI. Forte illud quoque facinus CIC.
10CX.
 est Panormitani cuiusdam qui die
 quodam fortè Sodalitate domum.

repetens, à quodam in palatium euocatur. Atq; vt animus bonus minime suspicax est, ita ille periculum sub se non aduertit. Ingreditur; mox à duobus profligatissimæ vitæ hominibus interceptus, prece primum ac precio; tum verò minis etiam atque verberibus ad nefanda eorum mandata perferenda sollicitatur. Sed discere potuerunt, qui viri sint Sodales. Repudiat hic conditiones, verbera contemnit, alienum à se, alienum à tantæ Matris cliente asserit, in tam indigno flagitio esse sequestrem. Expediunt illi mucrones, pugionibus inuolant, & ni pareat, mactaturos se ostendunt. *Occidite, inquit, fortè hoc potestis; ut sceleris internuncius fiam, nunquam à me impetrabitis. Florem integritatis seruare certum est, LILLIUM AN ROSAM, id verò parum me interest.* Admirati sunt iuuenis fortitudinem, & porro vrgere destiterunt. Vide quid animus liber possit: & se incolumem seruat, & hostibus nefas sæpè è manibus extorquet.

XII. Ad

XII. Ad fortitudinem Parthe- CIP. XCIX
 nianorum ostendendam puto hoc
 quoque facturum. Taurini adoles-
 cens ab equo calce petitus in ingui-
 ne vulnus acceperat. Sed eâ erat
 verecundiâ, vt chirurgo vulnus ape-
 riri nulli auderet. Inde morbus, in-
 de vitæ periculum. dissimulauit ta-
 men, quantumuis grauibus confi-
 ceretur doloribus, donec Patris Spi-
 ritualis præcepto malum pandere co-
 actus est. Sed putrescente vulnere,
 eo iam res deducta erat, vt morbi vis
 nullo remedio vinci potuerit. Quo
 etiam non multo post summos in-
 ter dolores vitam innocentem ab-
 soluit, cum patientiæ ac fortitudi-
 nis exemplum, simul ducentos au-
 reos Sodalitati testamento reliquis-
 set.

XIII. Quo ille animo cruciatus
 tulit, ne sanaretur, eodem alius ferrū
 & ignem, vt glans ferrea pedi infixā
 euelleretur sustinuit, vt nec verbo
 nec vllō indicio dolorem proderet,
 sed IESV & MARIÆ nominibus

vim cruciatuum mitigaret: eamque patientiam è materno B. Virginis sinu se haurire profitebatur. Eam deinde glandem eidem Virgini in memoriam beneficij suspendit.

XIV. Hæc Sodales patientiæ atque fortitudinis exempla intuiti, generosos Spiritus induent, & iam non modo inanes malorum iocos aut aculeos fucorum, sed mortem quoque contemnere audebunt, si pro virtute paciscendum sit, vt nunc in Iaponia multi constanter faciunt etiam hodie. Et ab Indo factum infra referam. Sed vt ad iniuriarum tolerantiam acrius extimulentur, eiusdem rei specimina præclara proponamus.

CAPVT XI.

INIVRIAS ACCEP-

tas remittunt.

Nescio an quicquam sit, quod ingenuo homini maiorem dolorem afferre possit, quam si indigno iniu-